



Koperasi Merakyatkan Ekonomi Negara

Bismillahirrahmanirrahim

Assalamualaikum Warahmatullahi Wabarakatuh, Salam Sejahtera, dan Salam Madani.

Koperasi Kakitangan Kerajaan Daerah Kuala Selangor Berhad (KSGEC) ialah antara koperasi tertua yang wujud di tanah air ini, ditubuhkan secara rasmi pada 7 Mei 1932 suatu ketika negara ini masih berada di bawah naungan pentadbiran British. Kewujudannya adalah manifestasi kesedaran awal dalam kalangan penjawat awam untuk melindungi maruah dan kebajikan ekonomi mereka melalui satu sistem sokongan berasaskan semangat gotong-royong, kepercayaan, dan nilai integriti.

Sejak sebelum kemerdekaan, KSGEC telah memainkan peranan penting sebagai badan sokongan kewangan dan sosial kepada penjawat awam. Koperasi ini muncul sebagai reaksi terhadap tekanan sistem kewangan yang tidak mesra dan peminjaman yang menindas termasuk aktiviti pemberi pinjam wang tidak berlesen. Maka tertubuhlah institusi ini sebagai pelindung maruah dan kehormatan penjawat awam.

Menjelang ulang tahun ke-100 pada tahun 2032, KSGEC beriltizam untuk memperluaskan pelan perlindungan ini ke peringkat nasional agar manfaat yang telah dinikmati oleh penjawat awam di Kuala Selangor turut dirasakan oleh lebih 1.8 juta penjawat awam di seluruh negara.

Koperasi Merakyatkan Ekonomi Negara

1. VISI

KSGEC sebagai sebuah koperasi kluster kerajaan mengangkat tanggungjawab dan komitmen untuk memartabatkan kebajikan penjawat awam melalui mekanisme pembiayaan inovatif dan sinergi yang mengubah kebocoran dalam sistem Biro Perkhidmatan Angkasa (BPA) kepada satu bentuk simpanan terhormat untuk bekalan hari tua. Visi ini dijulang sempena sambutan ulang tahun ke-100 KSGEC pada 7 Mei 2032 suatu detik yang menjadi simbol keteguhan tekad dan kesungguhan untuk menyempurnakan matlamat kebangsaan dalam menjaga kepentingan golongan yang telah menabur bakti kepada negara.

2. LATAR BELAKANG SEJARAH & PENUBUHAN KSGEC

Sejarah institusi koperasi kakitangan kerajaan di Malaysia bermula daripada latar zaman penjajahan British apabila wujud keperluan mendesak dalam kalangan kakitangan awam khususnya dari komuniti India untuk melindungi kebajikan kewangan mereka daripada penindasan peminjam wang tidak berlesen. Ketiadaan sistem sokongan dan perlindungan sosial ketika itu telah menyebabkan penjawat awam bergelut dengan beban hutang yang menjerut kehidupan mereka. Kumpulan kakitangan kerajaan yang berwawasan ketika itu telah...

Koperasi Merakyatkan Ekonomi Negara

3. MISI

3A. Menjalinkan kerjasama dua hala (Government-to-Government / G2G) dengan organisasi serantau dan antarabangsa seperti ASEAN Development Fund World Bank Funds termasuk Japan Social Development Fund PHRD British Commonwealth Grants UNESCO Funds serta dana-dana lain yang relevan dalam memperkukuh program kebajikan dan pencen penjawat awam Malaysia.

3B. Memohon kelulusan pengecualian cukai dalaman sebanyak 10% untuk koperasi serta pengecualian cukai korporat selama tiga tahun kepada syarikat-syarikat yang menyalurkan dana geran sumbangan atau pembiayaan kepada KSGEC sebagai bentuk galakan dan pengiktirafan.

3C. Menyusun sistem tadbir urus dan kawalan selia berakauntabiliti tinggi dengan kerjasama Bank Negara Malaysia dan Kumpulan Wang Simpanan Pekerja (KWSP) untuk menjamin ketelusan dan ketahanan sistem simpanan.

4. OBJEKTIF UTAMA

Menstruktur semula hutang penjawat awam melalui pengambilalihan hutang daripada institusi kewangan. Mewujudkan simpanan persaraan yang terjamin melalui pengagihan keuntungan kontrak kerajaan. Mengurangkan aktiviti pinjaman tidak sah (along) yang membebankan penjawat awam. Mewujudkan motivasi penabungan dalam kalangan generasi muda penjawat awam.

5. MODUS OPERANDI PELAKSANAAN

Kontrak-kontrak kerajaan disalurkan melalui tender atau rundingan terus kepada KSGEC. Keuntungan diagihkan sebagai saham modal kepada penjawat awam bersamaan nilai hutang. Saham modal dijadikan simpanan persaraan bebas hutang dijamin melalui tabungan KWSP atau akaun amanah kerajaan.

Koperasi Merakyatkan Ekonomi Negara

6. STATISTIK & FAKTA

Menurut laporan Bank Negara Malaysia dan Jabatan Perangkaan Malaysia hutang isi rumah negara mencecah RM1.45 trilion pada 2023 dengan penjawat awam menanggung 30% daripadanya kira-kira RM435 bilion.

7. ANALISIS RISIKO DAN MITIGASI

Risiko kegagalan rakan strategik diminimumkan melalui pemilihan teliti dan pemantauan berkala. Risiko politik dan pentadbiran dikawal melalui penaungan rasmi Majlis Raja-Raja Melayu. Penaungan tersebut memperkukuh kredibiliti dan kesinambungan pelan ini memastikan integriti pelaksanaan dalam suasana berkecuali dan amanah. Pelaksanaan yang berintegriti dan konsisten akan memberi inspirasi kepada generasi muda penjawat awam apabila mereka melihat manfaat nyata yang dinikmati golongan senior. Ini akan memupuk budaya penabungan dan kesetiaan jangka panjang.

8. STRUKTUR TADBIR URUS

Lembaga Pengarah KSGEC terdiri daripada ahli dalaman sahaja. Dana disalurkan dan disimpan eksklusif melalui kerjasama BNM dan KWSP tanpa pelaburan luar. 50% pulangan diagihkan sebagai dividen baki 50% digunakan untuk operasi dan honorarium. Penubuhan Jawatankuasa Audit Bebas dan Unit Khas Pemantauan Kontrak.

9. UNJURAN DAN SASARAN

Tahun 2026: Penstrukturan semula hutang bernilai RM5 bilion. Tahun 2028: Pengambilalihan hutang bernilai RM15 bilion. Tahun 2030: Penyelesaian nilai RM30 bilion sebagai simpanan penjawat awam.



Koperasi Merakyatkan Ekonomi Negara

10. PENUTUP

Lembaga Pengarah KSGEC merakam setinggi penghargaan kepada Majlis Raja-Raja Melayu dan pemimpin negara yang memberi ruang dan restu. Kami percaya bahawa sekiranya kepentingan peribadi dan politik diketepikan pelan ini akan menjadi legasi memartabatkan maruah penjawat awam dan keluarga mereka. KSGEC bersedia meluaskan blueprint ini serta komited sepenuhnya untuk pelaksanaan secara telus dan berintegriti. InsyaAllah.

Untuk sebarang pertanyaan lanjut sila WhatsApp ke: +6019-7112291